

UR - 017, 032-01/05

Ložionička 3, 71 000 Sarajevo, Tel/Fax: ++ 387 (0) 33 221 632, www saifbih.ba, e-mail: [ur@revfed@bih.net.ba](mailto:ur@revfed@bih.net.ba), saifbih@saifbih.ba



**BOSNA I HERCEGOVINA**  
**FEDERACIJA BOSNE I HERCEGOVINE**  
**URED ZA REVIZIJU BUDŽETA-PRORAČUNA F BiH**  
**SARAJEVO**



**IZVJEŠTAJ O REVIZIJI FINANSIJSKIH IZVJEŠTAJA**  
**na dan 31. decembra 2004. godine**  
**FEDERALNOG MINISTARSTVA ENERGIJE, RUDARSTVA I INDUSTRIJE**

Sarajevo, maj 2005. godine



MEMORANDUMU  
FEDERALNOG MINISTARSTVA ENERGIJE, RUDARSTVA I INDUSTRIJE

NEOVIŠNO REVIZIJSKO MIŠLJENJE

1. Obavili smo reviziju finansijskih izvještaja Federalnog ministarstva energije, rudarstva i industrije iskazanu na stranicama 1 do 7, za godinu koja je završila 31. decembra 2004. godine. Za ove izvještaje odgovornost snosi menadžment Federalnog ministarstva energije, rudarstva i industrije. Naša odgovornost svodi se na izražavanje mišljenja o tim finansijskim izvještajima na temelju provedene revizije.

2. Reviziju smo obavili, na osnovu ovlaštenja u skladu sa Zakonom o reviziji ("Sl. novine FBiH", broj 48/99), a u skladu sa INTOSAI međunarodnim standardima. Ovi standardi zahtijevaju planiranje i obavljanje revizije tako da revizija pruži razumno uvjerenje o tome ima li u finansijskim izvještajima značajnih pogrešaka kao i da li su finansijske transakcije izvršene u skladu sa zakonskim propisima. Revizija je uključila ispitivanje, testiranje i prikupljanje dokaza koji potvrđuju iznose i objave u finansijskim izvještajima. Revizija je također obuhvatila ocjenu primjenjenih računovodstvenih načela i vrednovanje sveukupne prezentacije finansijskih izvještaja i ocjenu primjene propisa. Vjerujemo da je provedena revizija pouzdani osnov za izražavanje naše mišljenja.

3. Nakon obavljene revizije finansijskih izvještaja Federalnog ministarstva energije, rudarstva i industrije, skrećemo pažnju na sljedeće činjenice:

- nedovoljno funkcionisanje sistema internih kontrola u dijelu nedosljedne primjene Zakona o budžetu/proračuna u FBiH kod naplate, ubiranja i evidentiranja prihoda;
- nedosljedna primjena Zakona o izvršavanju budžeta/proračuna u dijelu nepodnošenja tromjesečnih izvještaja Federalnom ministarstvu finansija o utrosku sredstava tekućih transfera.

4. Po našem mišljenju, finansijski izvještaji, osim za navedeno u prethodnoj tački, daju istinit i fer pregled o finansijskom stanju i rezultatima poslovanja, korisnika budžeta Federalnog ministarstva energije, rudarstva i industrije za godinu koja je završila 31.12.2004. godine.

Zamjenik generalnog revizora  
Branke Kolobarić, dipl. oec.

Generalni revizor  
mr.sc. Ibrahim Okanović, dipl. oec.

## IZVJEŠTAJ

### O IZVRŠENOJ REVIZIJI

### FINANSIJSKIH IZVJEŠTAJA

### FEDERALNOG MINISTARSTVA ENERGIJE, RUDARSTVA I INDUSTRIJE

NA DAN 31.12.2004.GODINE

## I UVOD

Federalno ministarstvo energije, rudarstva i industrije ( u daljnjem tekstu Ministarstvo ) osnovano je u skladu sa Zakonom o Federalnim ministarstvima i drugim tijelima federalne uprave ( «Sl. novine FBiH», broj 19/03).

Federalno ministarstvo energije, rudarstva i industrije obavlja upravne, stručne i druge poslove utvrđene Zakonom o Federalnim ministarstvima i drugim tijelima federalne uprave koji se odnose na ostvarivanje nadležnosti Federacije u oblastima: energije, rudarstva, geoloških istraživanja i industrije, praćenje privredivanja i ekonomskog položaja privrednih subjekata i koordiniranje i provedba projekata od značaja za Federaciju u oblastima za koje je nadležno, kriranje energetske politike i geoloških istraživanja, inspekcijски nadzor nad elektroenergetskim objektima i postrojenjima, nad postrojenjima pod tlakom, inspekcijски nadzor pri istraživanju i eksploataciji mineralnih sirovina i drugi poslovi utvrđeni zakonom.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji br.14-02-1480/03 od 01.08.2003. godine, na koji je saglasnost dala Vlada FBiH dana 31.07.2003. godine aktom broj V broj 375.

Poslovi iz nadležnosti Ministarstva vrše se u okviru osnovnih organizacionih jedinica: Kabinet ministra, Sektor energije, Sektor rudarstva, Sektor industrije, Federalni inspektorat elektroenergetike, Federalni inspektorat rudarstva, Federalni inspektorat termoeenergetike, Sektor za pravno-ekonomska pitanja privrednog sistema i Sektor organizacije, finansija, prava i kadrova.

U sastavu Ministarstva nalazi se Zavod za mjeriteljstvo i Zavod za geologiju

Sredstva za rad Ministarstva obezbjeđuju se u federalnom budžetu.

Broj uposlenih u Ministarstvu na dan 31.12.2004. godine je bio 83.

Sjedište Ministarstva je u Mostaru, u ulici Adema Buče broj 34.

Federalno ministarstvo energije, rudarstva i industrije

## 2 OSVRT NA NALAZE REVIZIJE FINANSIJSKIH IZVJEŠTAJA ZA 2003. GODINU

Revizijom finansijskih izvještaja za 2003. godinu i usklađenosti poslovanja sa zakonskim propisima, konstatovano je da je Ministarstvo djelimično postupilo po datim preporukama, datim u prethodnim revizijama. Poshpijeno je po preporukama koje se odnose na: raspisivanje javnog poziva za prijavu stručnih osoba za rad u stručnim komisijama Ministarstva i vodenja dnevnika rada i popisa potraživanja i obaveza. Dio preporuka je djelimično prihvaćen i primijenjen u dijelu koji se odnosi na: uspostavu sistema internih kontrola.

Medutim, Ministarstvo nije postupilo po datim preporukama u dijelu koji se odnosi na usaglašenje vlastitih prihoda sa Trezorom u skladu sa Uputstvom o izvršavanju budžeta sa jedinstvenog računa Trezora.

## 3 ČIJ REVIZIJE

Čij revizije finansijskih izvještaja je da omogući revizionu da izrazi mišljenje o tome da li su finansijski izvještaji pripremljeni, u svakom značajnom pogledu, u skladu sa zakonskom vazećom regulativom. Revizija je planirana i izvršena sa ciljem pribavljanja realne osnove da li finansijski izvještaji odražavaju tačan i istinit prikaz poslovanja tokom godine i stanja na kraju godine. Revizija će utvrditi: da li su preduzete sve mjere za osiguranje, ubiranje i čuvanje javnih prihoda i da li se Ministarstvo pridržavalo zakona i instrukcija koje se odnose na nju; da li su isplate javnih rashoda ili korišćenje javnih prihoda vršene po odgovarajućim ovlaštenjima i za svrhe za koje je dato ovlaštenje.

Cilj revizije je postizanje transparentnosti u radu Ministarstva kao i javna odgovornost menadžmenta za zakonitost rada, uspješno i efikasno obavljanje odnosno sprovođenje postavljanih ciljeva. Navedeno će se utvrditi kroz uvid u rad Ministarstva u skladu sa zakonskim i ostalim propisima.

Revizija, takođe, uključuje davanje preporuka za dalji rad, sa posebnim naglaskom na što efikasiju i ekonomičniju zaštitu imovine i trošenje sredstava, kao i stvaranje podloge za uvođenje, primjenu i što efikasniji rad interne kontrole.

## 4 NALAZI I PREPORUKE

### a) Menadžment i sistem internih kontrola

U skladu sa ovlaštenjima naredbodavac za izvršenje finansijskog plana Ministarstva je Ministar koji rukovodi Ministarstvom.

Uvidom u Pravilnik o unutrašnjoj organizaciji, revizorski tim je konstatovao da opis poslova radnih mjesta nije razrađen u potpunosti, a naročito u dijelu koji se odnosi na ovlaštenja i odgovornosti u vršenju poslova i radnih zadatka kod zaposlenih.

Takoder, navodimo da se od ukupnog broja uposlenika ( 83 uposlenika ), van sjedišta Ministarstva nalazi 41 uposlenik u Sarajevu, a prema Zakonu o federalnim ministarstvima i drugim tijelima federalne uprave sjedište Ministarstva je u Mostaru.

Pravilnikom o unutrašnjoj organizaciji nije utvrđen ovakav način organizacije i rasporeda uposlenika. Navedeno ima značajnost iz razloga što po osnovu navedenog rasporeda uposlenika isti ostvaruju određena prava u skladu sa zakonskim i podzakonskim propisima.

U postupku revizije konstatovano je da nije u potpunosti funkcionisao sistem internih kontrola što je za evidenciranje prihoda i kod izdataka vezanih za zaključivanje ugovora o djelu gdje nije ispoštovana zakonska i podzakonska regulativa koja se odnosi na navedene usluge.

Takoder, nedovoljno funkcionisanje sistema internih kontrola utvrđeno je kod primjene Odluke o načinu obrazovanja i visini naknade za rad stručnih komisija i drugih radnih tijela osnovanih od strane Vlade FBiH i rukovoditelja federalnih organa državne službe u dijelu ne dostavljanja tromjesečnih izvještaja o visini isplaćenih naknada za članove komisija Federalnom ministarstvu finansija i primjene Zakona o izvršavanju budžeta/proračuna u FBiH za 2004. godinu u dijelu ne podnošenja izvještaja. Federalnom ministarstvu finansija o utrošku sredstava tekućih transfera.

Iako je u predmetnoj godini postignut napredak u funkcionisanju sistema internih kontrola, smatramo da isti treba obuhvatiti sve segmente rada i procese odlučivanja, a sve u cilju poslovanja u skladu sa zakonskim propisima, zaštite imovine, tačnosti i potpunosti računovodstvenih evidencija i pravovremenog pripremanja pouzdanih finansijskih izvještaja.

*Da se radi efikasnog poslovanja, pravovremenog i pouzdanog finansijskog izvještavanja i usklađenosti sa postojećim zakonima i propisima, u potpunosti uspostavi sistem internih kontrola kao skup postupaka kojih će se pridržavati svi uposleni. Prilikom uspostave sistema internih kontrola pridržavati se Smjernica za uspostavu i jačanje interne kontrole kod budžetskih korisnika donesene od strane Federalnog ministarstva finansija.*

#### b) Izvršenje budžeta za 2004. godinu

Ukupno planirani prihodi Ministarstva za 2004. godinu iznosili su 11.501.624,00 KM, a ostvareni su u iznosu od 8.796.930,00 KM i manji su za 2.704.694,00 KM ili 23,52 %.

Uvidom u dokumentaciju, utvrđeno je da ukupno iskazani vlastiti (neporezni) prihodi u evidencijama kojima raspolaže Ministarstvo u 2004 godini iznose 347.072,70 KM, a sastoje se od :

- prihoda od naknada za rad komisija kojima se više određene intelektualne usluge u oblasti rudarstva, geologije, energije i industrije u iznosu od 249.099,00 KM,
- prihoda od naknada za pokrivenje troškova za ispitivanje tipa mjerila i pregled etalona, uzoraka referentnih materijala i mjerila u iznosu od 97.973,70 KM.

Prihodi od naknada za rad komisija kojima se više određene intelektualne usluge u oblasti rudarstva, geologije, energije i industrije ostvareni su u skladu sa Pravilnikom o uslovima i načinu vršenja određenih intelektualnih usluga u oblastima rudarstva, geologije, energije i industrije.

Medutim, revizijom je konstatovano da određbe navedenog Pravilnika nisu u potpunosti ispoštovane u dijelu raspisivanja javnog poziva za prijavu stručnih osoba za rad u stručnim komisijama Ministarstva ( član 5 Pravilnika ) i vodenja dnevnika rada .

Navedene nepravilnosti otklonjene su po preporukama datim prethodnom revizijom Ministarstva, tako da od oktobra 2004. godine Ministarstvo postupa u skladu sa propisima koji regulišu navedenu oblast.

Zavod za mjeriteljstvo koji se nalazi u sastavu Ministarstva ostvaruje prilode u skladu sa Zakonom o mjeriteljstvu BiH i na osnovu Odluke o izmjenama odluke o visini i načinu plaćanja naknada za pokrće troškova za ispitivanje tipa mjerila i pregled etalona, uzoraka referentnih materijala i mjerila.

Revizijom je utvrđeno da iskazani vlastiti prihodi Ministarstva u glavnoj knjizi Trezora iznose 308.919,00 KM i manji su u odnosu na evidencije kojima raspolaže Ministarstvo za 38.155,70 KM.

Naime, Ministarstvo nije vršilo usaglašenje prihoda sa Trezorom tako da evidencije Ministarstva pokazuju određeno neslaganje sa glavnom knjigom Trezora. Isto tako je utvrđeno je da ne postoje sa odgovarajuće pomoćne evidencije o naplaćenim prihodima, tako da Tim za reviziju nije u mogućnosti potvrditi iskazane vlastite prilode.

**Da se naplata, ubiranje i evidentiranje prihoda vrši u skladu sa odredbama Zakona o budžetu/proračunu u FBiH, Zakona o Trezoru i Uputstva o izvršavanju budžeta sa jedinstvenog računa Trezora.**

Rashodi i izdaci u 2004. godini planirani su u iznosu od 11.501.624,00 KM, a ostvareni su u ukupnom iznosu od 8.796.930,00 KM. Na osnovu uvida u prezentirani dokumentaciju, konstatovano je da su ostvareni izdaci u odnosu na raspoloživa sredstva manji za 2.704.694,00 KM ili za 23,52 %.

Izdaci za jubiilarne nagrade za stabilnost u radu, darovi djeci i slično iskazani su u iznosu od 18.183,10 KM i ne odnose se u ukupnom iznosu na navedene izdatke. Naime, knjiženi su izdaci koji se odnose na poklone za novu godinu i poklone za 8. mart u ukupnom iznosu od 5.332,00 KM kao i isplate nagrada za nadprosječne rezultate u radu u iznosu od 5.877,96 KM, a što nije u skladu sa propisima.

Medutim, utvrđeno je i ako nisu bila planirana sredstva u budžetu za jubiilarne nagrade i nagrade za rezultate, Ministarstvo je isplatilo navedene nagrade, jer je imalo dovoljno sredstava predviđenog budžetom za plaće i naknade troškova zaposlenih.

Budžetom za 2004. godinu navedene naknade su odobrene za 119 uposlenih, a u vrijeme izrade budžeta broj uposlenih je bio 83. Na kraju fiskalne 2004. godine broj uposlenih je iznosio 83, odnosno isto kao i u vrijeme izrade budžeta (razlika između planiranog broja uposlenih i stvarnog broja uposlenih iznosi 36).

**Da se finansijske promjene, odnosno transakcije evidentiraju neposredno na propisanim pozicijama u skladu sa Pravitnikom o knjigovodstvu budžeta/proračuna u FBiH.**

Uvidom u naknade stručnim saradnicima u iznosu od 6.690,68 KM, utvrđeno je da su komisije formirane u skladu sa Odlukom o načinu obrazovanja i visini naknade za rad stručnih komisija i drugih radnih tijela osnovanih od strane Vlade FBiH i rukovoditelja federalnih organa državne službe dana 26.07.2004. godine i 12.10.2004. godine. Ministarstvo nije dostavljalo tromjesečne izvještaje o visini isplaćenih naknada za članove komisija Federalnom ministarstvu finansija. Federalnom ministarstvu finansija.

Uvidom u izdatke za naknade za rad komisija kojima se vrše određene intelektualne usluge u oblasti rudarstva, geologije, energije i industrije (autorstva djela), utvrđeno je da Ministarstvo nije dostavljalo tromjesečne izvještaje o visini isplaćenih naknada za članove komisija Federalnom ministarstvu finansija, time je postupljeno suprotno odredbama Odluke o načinu obrazovanja i visini naknade za rad stručnih komisija i drugih radnih tijela osnovanih od strane Vlade FBiH i rukovoditelja federalnih organa državne službe.

**Da se obrazovanje stručnih komisija, uvjeti za prelaganje i imenovanje članova komisije, kriteriji, način ostvarenja i visina novčane naknade članova komisije, vrši u skladu sa odredbama Odluke o načinu obrazovanja i visini naknade za rad stručnih komisija i drugih radnih tijela osnovanih od strane Vlade FBiH i rukovoditelja federalnih organa državne službe.**

Revizijom izdataka za usluge po osnovu ugovora o djelu, a na osnovu prezentirane dokumentacije utvrđeno je da u pojedinim slučajevima zaključivanje ugovora nije bilo u skladu sa propisima. Tako je utvrđeno da je sklapan ugovor o djelu mjesečno s licem koji će obavljati posao savjetnika Ministra, i konstatujemo da je Pravišnikom o unutrašnjoj organizaciji Ministarstva predviđeno mjesto savjetnika Ministra (3 izvršioca).

Također, navedeni ugovori o djelu su neispravni iz razloga što su zaključivani naknadno po obavljenoj posli ( ugovor zaključen 09.08.2004. godine, a rok izvršenja usluge 31.07.2004. godine ili ugovor zaključen 03.12.2004. godine, a rok izvršenja usluge 30.11.2004. godine ).

**Da se ugovori o djelu zaključuju u skladu sa važećom zakonskom i podzakonskom regulativom koja se odnosi na navedene usluge.**

**Izdaci za unajmljivanje imovine u 2004. godini iznosili su 173.054,00 KM, a odnosili su se na unajmljivanje poslovnog prostora.**

Navedeni izdaci odnose se na Ugovor o zakupu poslovnog prostora broj: 01-02-2168/00 bez datuma zaključenja, zaključen između DOO Rudarski institut Tuzla i Ministarstva, mjesečne zakupnine 3.746,00 KM, Ugovor o zakupu poslovnog prostora broj: 01-02-3175/99 od 21.10.1999.godine, zaključen između JP « Elektroprivreda BiH, Elektrodistriktucija Mostar » i Ministarstva, mjesečne zakupnine 11.440,00 KM i Ugovor o zakupu poslovnog prostora broj: 12-02-1068/04 od 07.04.2004.godine, zaključen između Zavoda za geologiju BiH i Ministarstva, mjesečne zakupnine 2.750,00 KM.

Revizijom je utvrđeno da Ugovor o zakupu poslovnog prostora broj: 01-02-2168/00, bez datuma zaključenja, zaključen između DOO Rudarski institut Tuzla i Ministarstva se odnosi na period od 2 godine i to od 01.10.2000. godine do 01.10.2002. godine, je istekao, time je postupljeno suprotno Zakonu o obligacionim odnosima, Uredbi o računovodstvu u FBiH i Pravišniku o knjigovodstvu budžeta/proračuna u FBiH. Ministarstvo je navedeni prostor koristilo do 31.03.2004. godine i na ime zakupnine za navedeni prostor u 2004. godini platilo 11.238,00 KM.

Tekući transferi su ostvareni u iznosu od 6.153.000,00 KM i u odnosu na raspoloživa sredstva 6.571.585,00 KM su manji za 418.585,00 KM. U navedeni iznos uključena su odobrena sredstva iz tekuće rezerve Vlade Federacije za finansijsku pomoć radi osnivanja Privrednog društva za skladištenje tehnih goriva « Terminali » d.o.o. Sarajevo u iznosu od 50.000,00 KM i odobrena sredstva iz Tekuće rezerve Budžeta FBiH- Rezerve Premijera u svrhu preduma za obezbjeđenje troškova prethodnog postupka postovanja u stečajnom postupku nad imovinom « Energoinvest-Livnica » d.d. Sarajevo u iznosu od 5.000,00 KM.

Transferi rudnicima su odobreni na osnovu Odluka Vlade FBiH o usvajanju i realizaciji programa finansijske pomoći rudnicima uglja u FBiH i Programu finansijske pomoći rudnicima uglja u FBiH u skladu sa odobrenim budžetom rudnicima.

Također, revizijom je utvrđeno da su Odlukama Vlade FBiH odobreni transferi za prestrukturiranje industrije i rudarstva kao i podsticaji industrijskoj proizvodnji, a sve u skladu sa odobrenim budžetom.

Menadžment je donio kriterije za dodjelu transfera posebno za industriju, a posebno za rudnike. Kriterijima su definisani ciljevi, uslovi za dodjelu i određeno o obavezi izvještavanja Vlade FBiH o opravdanosti i načinu trošenja sredstava kao i rezultata podsticaja.

Korisnicima transfere je definisana obaveza o izvještavanju o utrošku sredstava prema Ministarstvu što je i ispoštovano u 2004. godinu.

Utvrđeno je da Ministarstvo nije izvještavalo Federalno ministarstvo finansija o utrošku sredstava tekućih transfera, što je u suprotnosti sa odredbama člana 35. Zakona o izvještavanju budžeta/proračuna u F BiH za 2004. godinu.

*Da se izvještavanje Federalnog ministarstva finansija o utrošku sredstava tekućih transfera vrši u skladu sa Zakonom o izvršavanju budžeta/proračuna u F BiH.*

**c) Stanje imovine, potraživanja i obaveza**

Revizijom je utvrđeno da je Ministarstvo donijelo Rješenje o imenovanju Komisije za popis stalnih sredstava broj : 12-34-977/04 od 30.12.2004. godine i Rješenje o imenovanju Komisije za popis obaveza, potraživanja i blagajne broj : UPI-12-34-977/04 od 30.12.2004. godine.

Također, imenovana je i Centralna popisna komisija Rješenjem broj : 12-34-977/04 od 30.12.2004. godine.

Navedene Komisije su sačinile izvještaje (zapisnike) o popisu.

U toku 2004. godine nije bilo nabavki stalnih sredstava.

**d) Postupanje po Uredbi o postupku nabavke robe, vršenju usluga i ustupanju radova**

Ukupni izdaci po osnovu nabavke robe i vršenju usluga iskazani u finansijskim izvještajima ne predstavljaju značajnu stavku u budžetu Ministarstva i revizijom je utvrđeno da je Ministarstvo postupalo po procedurama propisanim Uredbom o postupku nabavke robe, vršenju usluga i ustupanju radova

Napominjemo da nabavke stalnih sredstava ( gradevinskih objekata i opreme ) u 2004. godini nije bilo.

**5 ZAKLJUČAK**

Nakon izvršene revizije finansijskih izvještaja Ministarstva za 2004. godinu, u cilju sagledavanja zakonitosti rada i izvršenja finansijskog plana Ministarstva, konstatovano je da se određeni broj utvrđenih propusta kontinuirano ponavlja iako je tokom prethodnih revizija ukazivano na to i davane su preporuke s ciljem otklanjanja istih.

Ističemo, uočene propuste vezane za neusaglašenje vlastitih prihoda sa Trezorom i ne odgovarajuće pomoćne evidencije o naplaćenim prihodima, nepravilnosti kod zaključivanja ugovora o djelu i ne dostavljanje tromjesečnih izvještaja o visini isplaćenih naknada za članove komisija Federalnom ministarstvu finansija i ne podnošenja izvještaja Federalnom ministarstvu finansija o utrošku sredstava tekućih transfera.

Također, navodimo da se od ukupnog broja uposlenika ( 83 uposlenika ), van sjedišta Ministarstva nalazi 41 uposlenik, a Pravihnikom o unutrašnjoj organizaciji nije utvrđen ovakav način organizacije i rasporeda uposlenika.


Imajući u vidu da su u toku revidiране godine donesene pisane procedure u cilju boljeg funkcionisanja sistema internih kontrola smatramo da je potrebno dosljedno provesti donesene procedure kao i da se donesu nove procedure i uspostavi funkcionišanje sistema internih kontrola u skladu sa Smjernica za uspostavu i jačanje interne kontrole kod budžetskih korisnika.




I u ovom izvještaju o obavljenoj reviziji, menadžmentu se daju preporuke, po kojima bi isti trebao postupati u cilju otklanjanja uočenih propusta i uspostave i jačanja sistema internih kontrola, a sve u cilju zakonitosti u rada, kao i uspješnosti i efikasnosti u sprovođenju postavljenih ciljeva, te pouzdanosti i objektivnosti finansijskih izvještaja.

## KOMENTAR

U ostavljenom roku, Federalno ministarstvo energije, rudarstva i industrije dopisom broj 12-14-605/05 od 18.05.2005. godine, pismeno se ocitovalo na Izvještaj o izvršenoj reviziji finansijskih izvještaja za 2004.godinu i u cjelosti prihvatilo Izvještaj, sa obavezom da će utvrdene nadostatke i nepravilnosti blagovremeno otkloniti i postupati po datim preporukama.

\_\_\_\_\_  
Viši revizor  
  
Munib Ovcina, dipl.oec

\_\_\_\_\_  
Voda tima  
  
Admir Džumhur, dipl.oec